



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Conciliorvm Omnivm Generalivm Et Provincialivm Collectio Regia**

Ab anno MDLX. ad annum MDCXXIII.

**Parisiis, 1644**

Gregorii papæ XIV. vita.

**urn:nbn:de:hbz:466:1-15522**

VRBANI PAPÆ VII. VITA. 773

Sepultus est apud sanctum Petrum, cum annos quinque, menses quatuor, dies tres pontificatum tenuisset. Vacauit sedes dies 18.



ANNO  
CHRISTI  
1590.

VITA

VRBANI PAPÆ VII.

**V**RBANVS septimus, Ioannes Baptista Castaneus ante pontificatum nominatus, Romæ patre Cosmo Genuesi natus; in Hispania nuntii apostolici munere magna cum laude perfunctus, a Gregorio XIII. cardinalis sancti Marcelli creatus, & ad Bononiensem legationem destinatus; Sixto tandem in pontificatu successit xv. Septembris, anno Domini 1590. tempore Rodulphi II. imperatoris. Natura fuit mansuetus, vitæ inculpatæ, & morum sanctimonia clarus: complexionem tamen melancholicam, & ad morbum inclinante. Pontificatum ultra ii. dies non protraxit. Post eius obitum sedes apostolica duos menses & nouem dies vacauit.

Vrbanus  
qualis?

Tempus  
sedis.



ANNO  
CHRISTI  
1590.

VITA

GREGORII PAPÆ XIV.

**G**REGORIVS XIV. Franciscum Sfondratum senatorem Mediolanensem patrem habuit, & Nicolai nomen in sacro fonte consecutus est. Optimarum disciplinarum & iurisprudentiæ studio Perusii & Parauii non poenitentiam operam dedit. A Pio IV. episcopus Cremonensis, & a Gregorio XIII. cardinalis creatus, ac tandem Urbano ad felicioram vitam translato, post duorum & amplius mensium interregnum 5. Decembris, anno 1590. tempore Rodulphi II. imperatoris ad pontificatus fastigium pertigit. In grati animi & obseruantia in Gregorium XIII. significationem, Gregorius voluit appellari. Eius pontificatus ad 15. Octobris anni sequentis, dumtaxat per menses decem & dies totidem, fuit continuatus. Quo factum est, vt optima quæque consilia, quæ animo conceperat, & quorum expectatione multos sustentabat, exequi non va-

Gregorius  
qualis?

Quando  
pontifex  
factus?

Tempus  
sedis.

luerit. Morbus qui multorum malo vitæ filum illi abruptit, fuit febris continua, & reddendi lotii difficultas ex calculo nata. Quinque cardinales creauit, de quorum numero fuit Sfondratus. Sedes post eius mortem dies 15. vacauit.

## VITA

## INNOCENTII PAPÆ IX.

ANNO  
CHRISTI  
1591.Innocen-  
tius IX.  
qualis, &  
quando  
pontifex?

**I**NNOCENTIUS IX. cathedram sancti Petri conscendit die 29. Octobris, anno Christi nati 1591. tempore Rodulphi II. imperatoris. Ante pontificatum Ioannes Antonius Farquinetus nomen illi fuit. Cardinalis sanctorum quatuor Coronatorum a Gregorio XIII. factus est. Summa integritate, variaque in omnibus pene facultatibus eruditione imbutus, rerum vsu & longa praxi edoctus, omnium animos in meliorem spem erexit. Verum grauis annis, curis, & laboribus fractus, postquam populum a plerisque grauaminibus liberasset, duosque ex fratre pronepotes in purpuratorum ordinem adsciuisset, ad quietiorem vitam migravit 29. Decembris anno Domini nostri 1591. Post obitum eius vacauit sedes vno mense.

## VITA

## CLEMENTIS PAPÆ VIII.

ANNO  
CHRISTI  
1592.Clemens  
VIII. qua-  
lis, & quan-  
do ponti-  
fex creatus?

**C**LEMENS huius nominis VIII. Hippolytus Aldobrandinus antea nominatus, ex cardinale sancti Pancratii, & summo pœnitentiario, trigesimo die post ingressum conclauis magno omnium cardinalium consensu & studio renuntiatus est pontifex tertio Kalendas Februarii anno Redemptoris nostri 1592. tempore Rodulphi II. imperatoris. Clementis nomen illi impositum est, quod vir magnæ apud omnes existimationis, incredibili prudentia & dexteritate legationem nobilissimam & vtilissimam in Polonia obiisset, aliasque res ecclesiæ difficillimas & grauiissimas confecisset. Princeps erat iis animi dotibus præditus, quæ in summo viro & vniuersali pastore desiderari possunt. Initio pontificatus, (teste Baronio, anno 369.) quo-